



**MINISTERIO**  
Transporte, Integridad, Naturalesa  
y Asuntonan di Adulto Mayor

**Gobierno di Aruba**  
L.G Smith Blvd. 76  
Oranjestad, Aruba  
Tel. (297) 528 4900

<b>STATEN VAN ARUBA</b>
Ingek: 31 MAR 2022
Volgnr: IS/447/21-22

Na: Presidente di Parlamento di Aruba  
Sr. mr. E.G.A. Vrolijk

Ons kenmerk: MTINO/SvA-014

Uw kenmerk: UV/21-22/146

Oranjestad, 31 maart 2022

Onderwerp: Contestacion preguntanan miembro di parlamento sr Mansur

Pa medio di esaki suscrito ta contesta e preguntanan haci por escrito di miembro di Parlamento sr. Miguel J. Mansur conforme artiluco III.17 Staatsregeling y conforme articulo 57 di Reglement van Orde van de Staten van Aruba.

Na prome luga mi ta pidi disculpa pa e tardanza cu pa motibonan administrativo no a cana den proceso debido. Un mayoria di e preguntanan cu a wordo dirigi na mi persona, ta trata di asuntonan cu ta cay bou di Minister di Enseñanza y Deporte. Mi lo redirigi e preguntanan en cuestion pa e minister concerni, y mi lo contesta e preguntanan cu ta trata asuntonan di mi ministerio y/of unda a ser pidi pa mi opinion.

- 1. Ministro por a facilita Parlamento e informacion con a yega na escohenca/con a evalua pa nombra e cinco miembronan specifico pa e Hunta di Supervision di Lotto Pa Deporte?*
- 2. Ministro por informa si a haci un justitiele antecedentenonderzoek ariba e personanan nombra den e Hunta di Supervision di Lotto pa Deporte? Si e contesta ta negativo, Ministro por splica Parlamento dicon esaki no a wordo hasi? Si e contesta ta positivo, por haya inzage di e resultadonan?*
- 3. Ministro por informa Parlamento si e miembronan a pasa door di un evaluacion psicologico y si tur e candidatonan cu a solicita a pasa door di e test di aptitud? Si e contesta ta negativo, Ministro por splica Parlamento dicon esaki no a wordo hasi? Si e contesta ta positivo, por haya inzage di e resultadonan?*
- 4. Ministro por informa Parlamento si e miembronan specifico di e Hunta di Supervision di Lotto pa Deporte lo eherce ne funcion fulltime of parttime?.*
- 5. Ministro por informa cuanto ora di trabao cada un di e funcionnan aki ta rekeri tambe kiko lo ta e vergoeding pa cada un di e miembro di e Hunta di Supervision?*

6. *Ministro ta na altura y por confirma cu e presidente nobo di Lotto pa Deporte, sr. ir. Robert M. Maduro, ta un ex-parlamentario di partido MEP y tambe un ambtenaar activo como hefe di afdeling Toezicht Controle en Handhaving den Directie Infrastructuur en Planning (DIP) y tambe chairman di Stichting Monumentenfonds. Ministro por informa Parlamento si esaki ta permisibel pa tur ambtenaarnan den dienst activo? Ministro por informa Parlamento si e persona aki ta ricibi compensacion pa e cargonan aki, y si esaki ta cay bao di nevenarbeid?*
7. *Ministro ta altante cu e persona aki awor lo tin multiple entrada?*
8. *Ministro por informa si e ambtenaar(nan) nombra den e Hunta di Supervision di Lotto pa Deporte tin permiso formal (via procedura di DRH) pa haci e nevenactiviteiten den fundacionnan mientras ta eherce trabou di ambtenaar? Si e contesta ta negativo, Ministro por splica Parlamento dicon no a adkiri esaki? Si e contesta ta positivo, por haya inzage di e decretonan ministerial di cada un nevenactiviteit?*
9. *Apenas 5 luna pasa, dia 21 di juni 2021 a ser publica den media cu "HUSTICIA A BOLBE DRENTA DIP CONFISCA COMPUTER Y DOCUMENTO". <https://24ora.com/husticia-a-bolbe-drenta-dip-confisca-computer-y-documento/> E articulo ta menciona cu: "tin un investigacion andando. A dreña DIP... RST y Landsrecherche a dreña y confisca mas cu un computer. Ta papia di computer di tres empleado di DIP. Un di nan ta di inicialnan R.M." Ministro por confirma na Parlamento si e persona di inicial, R.M. cu ta ser menciona den e articulo ta e mesun persona cu a wordo nombra como presidente di Lotto pa Deporte?*
10. *Ministro por informa Parlamento con a para cu e investigacion aki?*

Preguntanan 1 te cu 10 lo wordo redirigi na Minister di Enseñansa y Deporte.

11. *Ministro ta di opinion cu, mirando e responsabilidanan cu cada un di e funcionnan ta trece cu nan, e lo ta haalbaar pa un persona eherce tur e multiple funcionnan aki na mes momento?*

Esaki ta na cada doño di trabao pa evalua y dicidi riba dje pa cu su trahado, considerando e tareanan, ehecucion, eficiencia, calidad di produccion y responsabilidad cu e ta spera di e trahado y e funcion.

12. *Como futuro Ministro di Integridad, Ministro por informa Parlamento si e nombracion di sr. ir. Robert M. Maduro como presidente di Lotto pa Deporte no por wordo cualifica como "Friends & Family" cu tanto pueblo tin keho riba dje? Y si Ministro no ta kere cu e nombracion por wordo cualifica como "Friends & Family" dicon no?*

Ta di suma importancia pa nos como comunidad fiha e definicion y normanan colectivo di kico nos ta cualifica como "Friends and Family" di e tipo cu por ta menos acceptable den cuadro di areglonan laboral den Gobierno y/of entidadnan di estado. Den un comunidad chikito y cu hopi famianan grandi, facilmente por identifica lasonan familiar entre individuonan. Sin un definicion y/of maneho concreto riba e tereno aki uso di e cualificacion "Friends & Family" como algo negativo lo tin base solamente cu metanan

politico. Mester por hiba e combersacionnan aki den forma habri, honesto y constructivo den nos comunidad. Mi lo pone empeñonan pa esaki por tuma luga cu e mira cu nos lo por ancla e definicion colectivo den regulacion y maneho.

*13. Den cuadro di integridad, Ministro ta di opinion cu e nombracion di sr. ir. Robert M. Maduro como presidente di Lotto pa Deporte, mientras cu tin e investigacion menciona andando, ta un nombracion conforme e exigencianan di integridad?*

Preguntanan 11, 12 y 13 ta trata informacion di un asunto cu ta cay bou di encargo di Minister di Enseñansa y Deporte. A base di preguntanan 1-10, cu mi lo redirigi na Minister di Enseñansa y Deporte, sr. Mansur lo por haya mas claridad riba e nombracion.

No obstante a puntra pa mi opinion den cuadro di integridad y mi ta mira motibo pa splica un biaha mas kico ta e tarea di e minister encarga cu integridad. Mi ta cuminsa na enfatiza cu Aruba ta un “rechtsstaat”, esta un estado di derecho basa riba principio di “rule of law” caminda ningun individuo ta superior na ley. Ministro di Integridad ta e prome yama pa traha conforme locual ley ta exige y permiti. Conforme LIM 2022, mi tin e tarea di aumenta e nivel di integridad gubernamental a base di cambionan structural.

Pa trece mas claridad riba mi rol como minister encarga cu integridad, mi ta cita e memorie van toelichting y e nader rapport di LIM 2022:

“Voor de minister, belast met integriteit, is een belangrijke rol weggelegd om op grond van structurele maatregelen de integriteit te bevorderen, zowel binnen de overheid als bij de aan de overheid verbonden instellingen en bedrijven.”

“De rol van de minister belast met integriteit is echter niet om zich op het terrein van andere ministers te begeven en vanuit een (enigszins) hiërarchische verhouding andere ministers te adresseren. De rol van de minister, belast met integriteit, is primair om de totstandkoming van maatregelen, beleid en wetgeving te bevorderen die structureel het niveau van integriteit verhogen.”

Den e cuadro aki lo prepara y implementa/ehecuta varios proyecto, entre nan un gedragscode pa ministernan, mas transparencia gubernamental, miho checks and balances, fortificacion di Bureau Integriteit Aruba, legislacion nobo incluyendo legislacion pa corporate governance den aparato gubernamental y semi-gubernamental, y establece un Autoriteit Corporate Governance. Cu e dos ultimo puntonan menciona lo trece un cambio structural den e procesonan di nombracion, incluyendo pa Raden van Toezicht di instancianan semi-gubernamental.

*Atentamente,*

A handwritten signature in blue ink, consisting of a stylized initial 'U' followed by a long, sweeping horizontal stroke.

---

Ursell Arends  
Minister di Transporte, Integridad,  
Naturalesa y Asuntonan di Adulto Mayor.

cc. Minister di Enseñansa y Deporte